



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2010. GODINU **STRANKE UDRUŽENIH NEZAVISNIH DEMOKRATA BOSNE I HERCEGOVINE**

Broj: 03-07-6-395/11  
Sarajevo, 19. decembar 2011. godine

## SADRŽAJ:

MIŠLJENJE REVIZORA.....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	5
Predmet pregleda i kontrole .....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI.....	5

## MIŠLJENJE REVIZORA

Služba za reviziju finansiranja političkih stranaka izvršila je pregled finansijskih izvještaja Stranke udruženih nezavisnih demokrata Bosne i Hercegovine i to: godišnjeg finansijskog izvještaja za 2010. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2010. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i članom 15.10 Izbornog zakona BiH i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

**Na osnovu našeg pregleda, odnosno kontrole finansijskog izvještaja, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka i člana 15.10 Izbornog zakona BiH.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled finansijskih izvještaja Stranke udruženih nezavisnih demokrata Bosne i Hercegovine i to: godišnjeg finansijskog izvještaja za 2010. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Opštih izbora, održanih u oktobru 2010. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Stranka udruženih nezavisnih demokrata Bosne i Hercegovine iskazala je ukupne prihode u iznosu od 21.236,00 KM<sup>1</sup>, čija struktura je data u sljedećoj tabeli:

Red. br.	Vrsta prihoda	Iznos u KM	Učešće u uk. prih. %
1	Članarina	0,00	0,00%
2	Prilozi fizičkih lica	3.435,00	16,18%
3	Prilozi pravnih lica	5.300,00	24,96%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	12.501,00	58,87%
	Ostali prihodi		0,00%
	<b>Ukupni prihodi:</b>	<b>21.236,00</b>	<b>100,00%</b>

U godišnjem finansijskom izvještaju politička stranka je iskazala ukupne rashode u iznosu od 23.627,51 KM.

## 2. PREDSTAVLJANJE POLITIČKE STRANKE

Naziv političke stranke: Stranka udruženih nezavisnih demokrata Bosne i Hercegovine. Skraćeni naziv: SUND.

Stranka je upisana u registar političkih organizacija kod Općinskog suda Tuzla rješenjem broj: 032-0-Reg-08-000152 od dana 04.03.2008. godine.

Sjedište političke stranke je u Živinicama, Zlatnih ljiljana br. 4.

Za zastupanje stranke ovlašten je Hamdija Numanović, predsjednik stranke.

Lice ovlašteno za podnošenje finansijskih izvještaja za 2010. godinu je Zijad Numanović.

Prema podacima iz godišnjeg finansijskog izvještaja za 2010. godinu, organizacionu strukturu Stranke udruženih nezavisnih demokrata Bosne i Hercegovine čine:

- SUND BiH,
- općinski odbori SUND BiH Živinice i Velika Kladaša, i
- 15 povjernika kantonalnih i općinskih odbora.

<sup>1</sup> Podaci iz ispravljenog obrasca 3 (ukupni prihodi političke stranke), koji je dostavljen dana 28.10.2011. godine.

### **3. OPIS PREGLEDA I KONTROLE FINANSIJSKOG IZVJEŠTAJA**

**Predmet pregleda i kontrole** je godišnji finansijski izvještaj Stranke udruženih nezavisnih demokrata Bosne i Hercegovine za 2010. godinu i finansijski izvještaj za period od dana podnošenja prijave za ovjeru za izbore do dana ovjere rezultata Opštih izbora, održanih u oktobru 2010. godine.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih.

**Obim pregleda i kontrole** finansijskih izvještaja Stranke udruženih nezavisnih demokrata Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka i odredbama člana 15.10 Izbornog zakona BiH, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih lica, prihode iz budžeta i troškove predizborne kampanje.

### **4. PRETHODNE KONTROLE I REVIZIJE**

U prethodnom periodu izvršen je pregled godišnjeg finansijskog izvještaja Stranke udruženih nezavisnih demokrata Bosne i Hercegovine za 2008. godinu, nakon kojeg je izdat izvještaj o pregledu sa mišljenjem revizora, nalazima i preporukama.

Takođe, Služba za reviziju izvršila je pregled godišnjeg finansijskog izvještaja Stranke udruženih nezavisnih demokrata Bosne i Hercegovine za 2009. godinu, nakon kojeg je izdat izvještaj o pregledu sa mišljenjem revizora, nalazima i preporukama. Prema mišljenju Službe za reviziju, Stranka udruženih nezavisnih demokrata Bosne i Hercegovine prekršila je odredbe člana 8. stav (1) Zakona o finansiranju političkih stranaka.

### **5. NALAZI**

Nakon što je stranka dobrovoljno postupila u skladu sa preporukama datim u Preliminarnom izvještaju o pregledu godišnjeg finansijskog izvještaja Stranke udruženih nezavisnih demokrata Bosne i Hercegovine za 2010. godinu, nije utvrđeno ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

#### **Troškovi predizborne kampanje**

Stranka udruženih nezavisnih demokrata Bosne i Hercegovine postupila je u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 6.663,66 KM<sup>2</sup>.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM<sup>3</sup> po biraču u svakom izbornom krugu, prema broju

---

<sup>2</sup> Podaci iz obrasca 4-2 postizbornog finansijskog izvještaja-Izbori 2010. uvećani za troškove korištenja sale u iznosu od 200,00 KM.

birača koje je objavila Centralna izborna komisija BiH. Prema podacima Centralne izborne komisije BiH, Stranka udruženih nezavisnih demokrata Bosne i Hercegovine je u svrhu izborne kampanje mogla da potroši 907.188,10 KM.

## **KOMENTAR:**

Stranka nezavisnih udruženih demokrata Bosne i Hercegovine je dostavila primjedbe na Preliminarni izvještaj o pregledu godišnjeg finansijskog izvjaštaja za 2010. godinu. Stranka je naknadno dostavila i ispravljene obrasce godišnjeg finansijskog izvještaja za 2010. godinu, čime je postupila po preporukama Službe za reviziju, odnosno finansijski izvještaj popunila u skladu sa Pravilnikom o godišnjim finansijskim izvještajima političkih stranaka.

U pogledu zabranjenih priloga iz člana 8. stav (2) Zakona o finansiranju političkih stranaka, Stranka nezavisnih udruženih demokrata Bosne i Hercegovine izvršila je povrat novčanih sredstava pravnim licima koja su imala sklopljene ugovore sa općinama Tuzla i Kladanj, odnosno Ministarstvom obrazovanja, nauke, kulture i sporta Tuzlanskog kantona, u ukupnom iznosu od 1.500,00 KM.<sup>4</sup>

Mr. Hasida Gušić, šef Službe za reviziju

Sanja Čabrilo, revizor

---

<sup>3</sup> Član 15.10 stav 2. propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

<sup>4</sup> Dana 28.10.2011. godine izvršen je povrat sredstava pravnom licu "SE-Sarajka" d.o.o. Živinice u iznosu od 1.000,00 KM, dok je 24.10.2011. godine izvršen povrat sredstava "Iverex komerc" d.o.o. Živinice u iznosu od 100,00 KM i d.o.o. "HOLEX" Živinice u iznosu od 400,00 KM.